

## WORLD DAY OF PRAYER

La Pynkhreh da ka WDP Committee Ka Taiwan

March 3, 2023

“Nga la iohsngew shaphang ka Jingngeit Jong Phi.”

Ka Jingiaseng lang (Worship Service)

- Sdang shwa nakhmat da ki jingrwai (sam da ki kot lyngkdop)
- Pynriam ia ka bynta ba sha khmat ka ryndan (stage) da kine ki tiar pynriam:
- Ka jain rong jngum (blue), (la bsa ia ka Taiwan da ka duriaw); ka jain rong jyrngam, (la tap ia ka Taiwan da ki syntai lum bajrong); ka jain rong stem bad rong lieh, (ka Taiwan ka long ka ba pahuh bad riwspah da ki marpoh khyndew); Pynriam da ki syntiew lily bad da ki tiw dieng. Lah ruh ban jied da ki syntiew kot, da kaba nion ha ka website: [Origami Lily Instructions \(Origami fun.com\)](http://OrigamiLilyInstructions.com).
- Buh hakhmat eh ia ki Puzzle jong ka map Taiwan halor ka ryndan.
- Shwa ka jingmane, tem da ki jingrwai, jingput jingtem jong ki Nong Taiwan bad pyni da ka Power Point Slide. Ka jingiaseng lang kan iasyriem bad ka Taiwan.
- Ynda la sdang da ka jingrwai sdang (Prelude Song), ki san ngut ki kynthei ki ba na ki jingiathuhkhana kin ieng bad kin iaid sha pyrshah ka map (Map Puzzle) kaba la dep buh. Kawei na ki kan rwai ia ka jingrwai (Hymn) ‘To Iaroh ia u Trai’ (Give Praise to the Lord). Nangta ki san ngut ki kynthei kin pynbeit ia ki lyngkhot puzzle jong ka map halor ka map ban pynlong ia ka map Taiwan. Ka dur jong ka map (Mosaic) ka thew ia ki jingiapher babun jait bun rukom jong ka ri.
- Pule na ki bynta jong ka jingpuson ia ka Baibl bad da pule pyndep ia ka jingphalang (reflection) ka ba la seng nongrim na ka Ephesos 1:15-19.

## KA JINGPYNBEIT RYNTIH IAKA RUKOM SHAKRI

**Nongialam:** To ngin ia sdang noh iaka jingshakri ha kane ka sngi World Day of Prayer 2023.

**Ka jinglamphrang**(prelude): “To iaroh ia U Trai.” Word & Music by Mayaw Kumud, Amis, 1990s. Authorized use of copyright only for WDP Taiwan 2023.

(Ki san ngut ki kynthei kin iaid sha pyrshah ka map puzzle. Kawei naki kan rwai iaka jingrwai “To iaroh ia U Trai, ki saw ngut kiwei pat ban ialam ia ka jingjubab jong ka Jingiaseng lang da ka jingrwai “To iaroh ia U Trai.” Ki san ngut ki kynthei kin buh pynbeit ia ki lyngkhot puzzle halor ka map.)

### **Ka jingpdiang sngewbha bad ka jingai khublei**

**Nongialam 1:** “Ping-an” kane ka ktien kit jingmut (phrase) ka mut “To U Blei Un ai haphi ka jingsuk, ka jingiadei kaba jan kaba suk bad bakmen bad U Blei lem ruh bad kiwei pat.

**Nongialam 2:** La pdiang sngewbha! naka liang ki hynmen ki para kynthei ha Taiwan, ngi pdiang sngewbha iaphi baroh kiba iasoh lang bad ngi haka jingshakri bad ka jingmane lang jong ngi ha kane ka sngi.

**Nongialam 1:** Ko ki hynmen bad ki para kynthei bad shynrang, lyngba kane ka jingrakhe, ngi sngewkmen eh ban iasam lem ha phi bad ban sakhi iaka jingaiei ba phylla U Blei bad ki kam bakhraw bor jong U.

Ka jingrwai “Ka jingieit ba shlei” (Love overflows). Word & Music by Sandy Yu. 2003 Stream of praise Music/CCLI Song#3978045. Authorized use of copyright only for WDP Taiwan 2023.

*Hadien ka jingrwai Sngewbha ban iasam lem iaka jingsuk U Khrist iwei ia iwei pat.*

### **Jingkhot sha ka jingshakri lang.**

**Nongialam 1:** To iaroh ia U Trai, ngi ainguh ia U Blei namar ki jingkyrkhu jong U baroh kiba U la theh halor ka ri Taiwan.

**Nongialam 2:** To iaroh ia U Blei, U Nongbuh Nongthaw, U ba la thaw bad pynlong ia kane ka dewlynnong kaba itynnad kaba la tap da ki dieng ki siej ia ki lum bad la bsa ia ki da ka duriaw. Ka Taiwan ka long ka ri kaba riewspah ha ki mar poh khyndew.

**Baroh lang:** *To ai ba yn iaroh ia ka kyrteng U Trai. To ai baka burom jong Me kan long lem bad ngi.*

**Nongialam 1:** Kumba 100 snem tam mynshwa, ki mishonari kiba la wan sha Taiwan kila pynphriang iaka khubor ba bha. Ki briew ki la iohsngew iaka gospel bad kila pdiang iaka jingaiei jong ka jingpynim.

**Baroh lang:** *To ai ba yn iaroh ia ka kyrteing U Trai. To ai baka burom jong Me kan long lem bad ngi*

**Nongialam 2:** Naduh ka spah snem kaba 16 ka Taiwan kala long ka ri kaba la wan buhai da ki bor nongwei; bad kila mad iaki jingiapher jong ka jaidbynriew, ki rukom jinghikai, ka imlang sahleng, ka jingialeh pyrshah haka kam sain hima sima, bad ka jingialong kawei. Da ka jingaiei U Blei ki briew jong kane ka dewlynnong ki la lah ban im haka jingshong suk shong shngain. Ka Taiwan ka pynpaw iaka jingleh sbun bad ka dang kwah ban iarap lem bad ban long ka jingkyrkhu ia kiwei pat.

**Baroh lang:** *Ah Blei ba dap da ka jingmap ei, ngi ainguh bad ngi iaraoh ia Me. To ai ba ka burom jong Me kan long lem bad ngi.*

Jingrwai: “Jehovah’s Blessing Abound” Word by Jessica Lee, Music by Sandy Yu. 1997 Stream of Praise Music/CCCLI Song # 3518931. Authorized use of copyright only for WDP Taiwan 2023.

### **Ka jingduwai pan map/jingphla iaki pop**

**Jingduwai 1:** Ah Blei ba dap da ka jingmap ei, ngi phla iala ki pop hakhmat jong Me. Ngi la leh pop pyrshah ia Me. Ngi la lyndet iaka ban ri ban sumar ia kane ka ri ia kaba Me la aiti bad shaniah ha ngi. Bad ngi la pyndonkam iaka ha ka lynti bym dei da kaba ngi la pynjakhlia/pynjaboh iaka bad kane ka la ialam sha ka jingpynduh jait noh iaki jait jingthaw (species) bapher bapher.

**Baroh lang:** *Ah Trai, to isynei ia ngi.*

**Jingduwai 2:** Ah Blei ba dap da ka jingisynei, ngi long ki briew kiba sngew sarong bad kiba eh ryndang. ngi la leh klet noh iaka burom jong ka long briew man briew ngi la niewbein iaki jingdonkam jong ki rit paid, ki nongiaid wir, bad ki nongphet wir. Ngi iohsngew iaka jingiam lynniar jong ka ri ki kynthei ki khynnah bad kumjuh ki khun samla, hynrei ngim pat shym la lah ban leh eiei ban jubab iaka jingaiei kaba ngi la iohpdiang. Kine ki jingleh ki pynlong ia ki katto katne ngut ki briew ba kin shitom bad shah khniot bein.

**Baroh lang:** *Ah Trai, to isynei ia ngi.*

**Ka Jingrwai:** “Lord have mercy on us.” Music by Saisiat melody, Taiwan. Transer. & adapt by I-to Lohl, 1984. Authorized use of copyright only for WDP Taiwan 2023.

## **Ka jingpynskhem iaka jingmap**

**Nongialam 1:** Ah U Blei, Me long Uba hok bad Uba shisha. To isynei ban map ia ngi, to pynkhuid iaki pop jong ngi baroh bad to iarap ia ngi ba ngin im bad ia id haka jingshai. Iarap ban ai ha ngi iaka mynsiem ka jingstad bad ka jingpynpaw kumba ngi lah ban ithuh ia Me ba to pyndap ia ngi da ka jingieid bad jingngeit. To isynei ban pynpaw ha ngi ialade khnang ba ngi lah ban tip iaka jingkhraw ba maian jong ka bor jong Me. Amen

*Baroh lang: Amen*

## **Ka ktien jong U Blei bad ka jingsakhi jong ka jingim**

### **Nongpule:**

*Jingpule naka Kitab Bakhuid: Ephesos 1:15-19 Namar kane ka daw, ma nga ruh, haba la iohsngew shaphang ka jingngeit ha U Jisu Uba U Trai kaba don hapdeng jongphi, bad kata ka jingieid kaba phi pyni sha ki riewkhuid baroh, ngam wai shuh ban ainguh naka bynta jongphi, da kaba kynmaw iaphi ha ki jingduwai jong nga; ba U Blei U Jisu Khrist Uba U Trai jong ngi, U Kpa ka burom Un ai ha phi ia U Mynsiem ka Jjingstad bad ka jingpynpaw haka jingtip shaphang jong U ; bala pynshai iaki khmat ka dohnud jong phi, ba phin iohtip kaei ka long ka jingkyrmen ka jingkhoh jong U bad kaei ka long ka jingkyrrei ka burom jong ka bynta jong U haki riewkhuid, bad kaei ka jingkhraw tam eh ka bor jong U sha kiba ngeit, katba kum kata ka jingtrei ka bor ka jingkhlain jong U.*

**Ka jingpuson:** U Paul u la ainguh ia U Blei naka bynta ki nong Ephesos, kiba la im haka jingieit bad ka jingngeit jong ki. U la duwai ba kin ioh iaka mynsiem jong ka jingstad bad ka jingithuh paw bad “kin wan ban tip bad ithuh ia U Blei” lyngba ka jingpynshai bad jingpyrsad jong U Mynsiem Bakhuid!

Bunsien ngi long kiba duh mynsiem da ki jingeh bad ki jingialeh bad ruh wat ban duh jingkyrmen kumjuh ban duh jingngeit, lane ngi pynkit noh halor ka jinglongbriew manbriew batlot jong ngi hi.

Bunsien ngi la long kiba duh mynsiem da ki jingeh bad ki jingialeh bad ruh wat ban duh jingkyrmen bad jingngeit, lane ngi bujli noh bad ka jinglong briew kaba tlot jong ngi. La kumno kumno, la khot ia ngi ba ngin sumar iaka “Jingkyrmen bad jingngeit jong ngi” ha ka hima ka jong U Blei bad kumjuh ha ki kular jong U. lyngba da ka jingpynshai jong u Mynsiem Bakhuid ngi lah ban iohi ia U Blei Uba shisha, U baieid Uba isnei.

Lyngba ka shithi, u nongthoh u la iasam lem ha ki jingduwai jong u naka bynta ki Lyngdoh haka jingshaniah ba ki lah ban ksoh haka jingieid U Khrist kaba iar, kaba jrong bad kaba jylliew(Ephesos 3:18). Hato ngi la long ne em kiba kloi ban jubab ia kata ka jingieid da kaba im ym tang ialade hynrei naka bynta U Blei? Ka jingieid U Khrist kan paw lyngba ki kam jong ngi, kiba lah ban kdew ia ka jingisnei ka jong U Blei bad ka jingioh pateng kaba dap kyrhai.

Hakhmat U Blei ngim dei ban long kum ki lyngkhot/ki lkhit ba bun rong kiba leit her kat shaba beh ka lyer khlem da don kano kano ka phang kaba thikna, hynrei ki lyngkhot kiba ym lah ban iapein haka jinglyngngoh. Hapdeng ka jingpher jong ka thymmei ka imlang sahlang, ka jingiapher ha ki jaka/thain, bad ka jingpher haka rukom im ngi wan hakhmat U Jisu Khrist da ka jingiatylli.

*Ka jingpynjar jar naka bynta ka jingpuson*

**Nongialam 2:** Ngil iohsngew iaki khana jingngeit jong ki kynthei bad ki khynnah kynthei ha Taiwan, bad ngi phah sha ki iaka shithi pynshlur. To ngin ia sngap iaki shithi.

**Ka kynthei 1:**

**Pao-Chu Baieid,**

Myn ha kato ba ngi la iakynduh haka Jingiaseng lang nga la iohsngew shaphang ki khana jong phi kiba iadei bad ka jingdonkam kyrkieh ban iada ia kane ka sawdong ka sawkun(environment). Ka jingiathuhkhana jong phi ka ktah shisha ia nga bad nga la bud iaki dienjat jong phi naduh kato ka por. Nga la pyntyllun iaki lad ki lynti da kaba nga la iasnoh lang haka jingpynkhuid iaki rud wah/duriaw, bad ruh ban pyniakhlad iaki jaboh ha iing. Nga la rah hi iala ki proh bad ki shamoit, ki wait ki tari bad kumjuh ki pela khnang ban pynduna iaki rukom pyndonkam iaki plastic. Kaba kongsan tam ka long ba nga la hikai ruh ia kiwei pat khnang ba ka pateng jong ki ka lah ban iada iaki sawdong sawkun. Ngil kyrmen ba ka Taiwan ka lah ban long ka ri kaba lait na ki lyer bih(nuclear) haka pateng ka ban sa wan. Gto ngin ia hikai lang ban long ki sodar jong ki jingthaw bad ki jingpynlong jong U Blei.

*(Pynjar jar)*

Pynbud da ka jingrwai: "I have heard about your faith." Words : Ephesian 1:15-16.  
Music:Lai Yin-ting. Composed especially for the 2023 WDP Taiwan program© WDPIC. Used with permission.

## **Kynthei 2:**

Fen-Jiau Baieid,

Nga la iohsngew iaka jingngeit jong phi. Phi kum ka briew kaba dang pdeng bha karta ka kynthei trai ri, kaba la long ka jingkyrkhu kaba phylla sha ki kynthei kiba katjuh karta bad phi.

Kum ka nongtei iala ka longing, phi la aiti ialade met bad mynsiem naka bynta la ka jong ka longing da ki phew snem. Haba phi la pyrshang ban wad iaka kam ka jam ban kyrshan iala ka longing, phi la hap ban mad iaki jingeh haka jaka trei jongphi. Phi la mad iaka jingshah niewbein namar ka karta jong phi bad phi sngew ba phi la shah pynbor ban pdiang iaki ain jong ka imlang sahlang pyrshah iaki kynthei. Phi sngew kumba phi la kyntait iaka jingkitkhlieh naka bynta la ka jong ka iing ka sem, namar mynba phi dang sumar iala ka iing kala pynlong iaphi ban wad iaka kam. Da kaba phi mad iaka jingshaiong ki jingmut jingpyrkhat, phi la shaniah haka jingialam jong U Blei bad phi la shem ka lad ban kyrshan iala ka iing ka sem da kaba phi hikai iaka rukom thain jain tynrai bad ban sumar sukher iala ka jong ka jaidbynriew. Ka iktiar bad ka jingkhlain jongphi ba phi la pynmih kala long kaba seisoh biang sa shisien. Ka jingphla mynsiem jongphi kala long ka jingkyrkhu ba phylla kaba la ai mynsiem ia shibun ki para kynthei.

(Pynjar jar)

Pynbud da ka jingrwai: "I have heard about your faith." Words: Ephesian 1:15-16.  
Music:Lai Yin-ting. Composed especially for the 2023 WDP Taiwan program© WDPIC. Used with permission.

## **Kynthei 3:**

Jojo Baieid,

Mynba phi dang long ka samla, u kpa jongphi ula phah ban wad kam noh haka jaka ban pynshlur iaphi ban bteng iaka jingpule. Naka jingiohi jong u, ki kynthei kim donkam jingnang jingstad hynrei haka jaka kata ki dei ban shongkurim. Jar katta ruh, phi iai ban ban bteng iaki jingpule jong phi.

Phi la kyrpad na U Blei ban ai haphi iaka jingstad bad ka jingshemphang kumno ban iakren bad u kpa jongphi khnang ba un lah ban kylla ki jingmut. Phi la duwai ba u lah ban sngewthuh ba ki khun kynthei bad ki khun shynrang ki ioh kajuh ka hok naka bynta ka jingpule bad ka jingnang jingstad. Suki suki u kpa jong phi u la sngewthuh ba ki khun kynthei ruh kim long khampoh ban ia ki shynrang.

(Pynjar jar)

Pynbud da ka jingrwai: "I have heard about your faith." Words : Ephesian 1:15-16.  
Music:Lai Yin-ting. Composed especially for the 2023 WDP Taiwan program© WDPIC. Used with permission.

## **Kynthei 4:**

Pearl Baieid,

Kum ka nongsar nongpynkhuid ha kawei ka Hospital kaba hap ban mih bad tur shakhmat haka por jong ka khlam COVID-19, phi la khein duh iala ka jong ka jingim ban sait pynkhuid iaki kamra ki nongpang hapoh hospital phim lah ban leit

sha iing hadien ka jingtrei jongphi, namar bap him kwah ban buh jingma iala ki jong ki 3ngut ki khunrit jongphi. Phi la ia ksaid shitom wat haka jingioh kaba tang khyndiat eh, phi la hap ban wai kyrpang iaka kamra ban shong ban sah bad im hangta khnang ban pynduna iaka jingiabit jingpang. Ha ka por ba phi shong ban pynkyrpang ialade marwei, phim ioh lad ban ri ban sumar iala ka jong ka iing ka sem, kumta phi la sngewdukha bad sngew marwei. Nga la shon jingmut iaki jingshah shitom jongphi bad nga la duwai shitrhem naka bynta jong phi, da kaba kyrmen ba U Trai jong ka jingim jong nga Un long ruh ka bor ka jingkhlain jong phi.

(Pynjar jar)

Pynbud da ka jingrwai: "I have heard about your faith." Words: Ephesian 1:15-16  
Music:Lai Yin-ting.

### **Kynthei 5:**

Daiken Baieid,

Nga ainguh eh ia U Blei naka bynta ka jingpynkhiah jong U iaphi ba phi la koit noh naka jingpang jingshitom kaba la ktah naka jingkren bad ka jingshah leh be ijot kaba phi la shah shitom mynba phi dang long ka khynnah. Ka jingjynjar bad ka jingshitom kaba phim lah shuh ban shah kaba la ialam iaphi ban kylli halade-*Hato nga dang dei ban ioh iaka jingieit?* Nangta la wan kawei ka nonghikai kaba la pyllait iaphi mynba phi dang don 14 snem karta. Phi la ioh iaka jingkyrshan naki nongtrei mon sngewbha bad ki briew kiba la sumar sukher iaphi. Lyngba jong ki, phi la iohmad iaka jingieit ka jong U Blei; phi la kylla long ka nongbud U Khrist.

Watla phi la mad iaka jingiaid lynti kaba eh bad kaba shitom, phim shym la sngap jar. Phi la phla bad iathuh iaki khana jongphi da kaba phi shu thoh da ki jingthoh bad dro da ki dur. Phi kwah ban pynshlur ia kiwei pat ki para kynthei kiba la shem mad ia kajuh ka jingshah nion bein bad kiba la shitom ha ka bor met bad ka bor jingmut jingpyrkhat ba kin shaniah ha U Nongpynim jong ngi, ban ialeh pyrshah iaki kyrteng bala shah ibein, bad ban thaw dur thymmai pat iaki. Mynta phi la long ka kmie jong ki arngut ki khun, bad phi la kylla long ka jingkyrkhu ia kiwei pat ki para briew.

(Pynjar jar)

Pynbud da ka jingrwai: "I have heard about your faith." Words: Ephesian 1:15-16  
Music:Lai Yin-ting.

Ki jingduwai kyrpad:

Baroh lang: Ah Blei badap jingisnei, ngi wan hakhmat jong Me ha ki jingduwai jong ngi kum ki kynthei kiba iathuh hok ha ki shithi kiba la phla ha Me iaki jingiaksaid bad ki jingkyrmen jong ki. Kim shym la shah rem ha ki jingeh pynban la pynkupbor iaki da ka jingstad bad ka jingshemphang jong Me. Ngim long marwei, naba Me shahshkor ia ngi. Ngi ainguh eh iaka jingdonryngkat, ka jingialam bad ka jingiada jong Me katba ngi dang iaaid lyngba iaka them jong ka syrngiew jingiap. To isynei ban ai ha ngi ba ngin nang ban pyndonburom ia Me bad ban long ka jingphla ba im jong U Jisu Khrist.

(Pynjar jar)

Pynbud da ka jingrwai: "I have heard about your faith." Words: Ephesian 1:15-16  
Music:Lai Yin-ting.

## **Jingkynshew/Jingainguh:**

**Nongialam 2:** ka World Day of Prayer ka long ka jingiakhiih ba salonsar jong ki khristan ha ka jingialam ki kynthei. Ka jingkynshew ka long kawei ka bynta jong ka jingiohi paw ban pynbha iaka jingim jong ki kynthei bad ki khynnah kynthei ha kylleng sawdong ka pyrthei. Ngi aiti bad pynkyntang iaka jingkynshew sha kane ka Ministri jong ka jingduwai.

Ki paitbah ki ia ieng lang bad ki ia rwai:

Jingrwai: "Offering to you". Words & Music: Lai, Yin-ting. Composed especially for the 2023 WDP Taiwan Program. © WDPIC. Used with permission.

## **Ka jingduwai iasaid/kyrpad**

**Nongialam 1:** Ah Blei badap da ka jingisnei, ka ri Taiwan ka la shah tylllep ha ki jingialeh jong ki bor kiba khlain bor eh. Kala shah iehnoh marwei ha ki ri jong ka pyrthei da ki phew snem. Wat lada ym pat shym la ithuh iaka da ki ri kylleng ka pyrthei, ka Taiwan ka la pyrshang katba lah ban iarap iaka pyrthei haka liang la rep ka riang, ki kor ki bor, ki dawai dashin, bad ki jingiarap haka longbriew manbriew.

Ah Mynsiem Bakhuid, to isynei ban iarap ia ki briew ka Taiwan ba kin iohbor haka jingstad khnang ba kin nud ban ialeh iaka jingbym shngain ba ki mad naka bynta ka longdien jongki. Ngi shaniah ha Me naka bynta ka Taiwan ba kan long ka jingkyrkhu iaka pyrthei. Ko nongpyntngen ba kynja blei Me long U Trai jong ka pyrthei; ngi snoh tang ha Me, ngi aiti ialade bad kumjuh iaka ri Taiwan ha ki ksangti jong Me, bad ngi kyrpad ia Me to isynei ban ri sumar ia ngi ha ki jingtlot jong ngi. Me long ka kut ba skhem bad ka jaka ba shngain eh jong ngi.

**Nongialam 2:** Ah Blei nongthaw nongpynlong, ngi ainguh ia Me ba Me la shaniah bad aiti ha ngi ia kane ka pyrthei ba phylla kaba dap da ki spah mariang. Shisha, ngi la lyndet iaka jingiam lynniar jong ka mei mariang bad ngi la mad iaki jingeh haka jingiadei jong ki jingthaw ba im baroh, kum ka jingpynjaboh iaka lyer bad ka um, ka jingbret pathar iaki jaboh jabain, ki nuid ki nier, ka jingpyndonkam lalot iaki ranad lum, ka jingpynjot iaki khlaw ki btap bad ka jingkylla jong ka suin bneng. U Blei jong ka jingim baroh to isynei ban pyndap ha ki dohnud jong ngi da ka jingbha bad jingsbun jong Me; to hikai ha ngi ban gin nang ban sumar ia kane ka mei mariang.

**Nongialam 1:** Ko Blei baieid eh Me la thaw ia ngi haka dur jong Me hibad Me la kyrkhu ia ngi. Me la iohi ba ka long kaba bha. Ngi duwai naka bynta ki longkmie bad ki khynnah kynthei kiba wanrah iaka jingieid bad ka jingbishar hok sha kane ka pyrthei. Ko Mynsiem Bakhuid to isynei ban ai ia ngi ka jingstad ban ialeh pyrshah ia kito kiba don ha tmier jong ka jingim bad kiba la shah nion bein, kiba duk bad kiba kyrduh; to ai ha ngi iaka jingshlur ban iasaid naka bynta jong ki bad ban ai mynsiem iaki nongialam ban thaw ka lad ka lynti ban pynioh ka jaka kaba kham shngain naka bynta ki kynthei khynnah.



**Nongialam 2:** Ko Blei ba dap da ka jingisnei, ka khlam COVID-19 kala long ka jingialeh kaba khraw kaba ngi la mad. Ngì duwai naka bynta kito kiba la duh noh iala ki baieid bathoin, bad kito ki bym shym la ioh iaka jingsngewsting naka jingjynjar jong ki. Ki don shibun bah kiba la shah lynshop ha kane ka khlam. Ah Blei, to pynkupbor ia ngi ba ngi lah ban iarap ban pynioh iaka jingsuk bad ka jingtngen ha kane ka pyrthei kaba dang shu dep mad iaka khlam COVID-19.

Ah Blei ba isnei ngi ainguh eh ia Me namar ka jingialam babha jong Me lyngba ka jingwan kynsan jong ka khlam haka snem 2020, mynba ngi la mad iaki jingeh kiba shyrkhei, ka WDP ha Taiwan kala pynkhreh ia kane ka jingiaseng ban ia shakri lang ia kaba ngi ioh ban pyndep ha kane ka snem 2023.

Ah Blei Uba ju sumar ia ngi, ngi ainguh ia Me ba Me ai sngewbha ha ngi ia kane ka World Day of Prayer ka jingisnei ei jong Me ka iai sah lang bad ngi bad ngi ioh ban ngeit ha Me.

Ngì sngewnguh eh ia Me naka bynta ka jingtrei shitom jong ki kynthei ka WDP ha Taiwan ban jop iaki jingsngew iapher jong ki bad ki wad iaka jingialong kawei bad ka jingiahap jingmut lyngba da ka jingaiei ka jong U Blei. Ah Trai, to isnei ban ialam ia ngi ban gin iaaid haka lynti jong ka jingialong kawei ha U Khrist.

**Ka jingduwai U Trai.**

**Ka jingkyrkhu bad ka jingphah noh.**

**Baroh lang:** To ai ba U Blei Un iohsngew ia ki jingiathuhkhana jong ngi bad Un iai bat skhem iaka jingngeit jong ngi. To ai ba U Jisu Un ai ha ngi iaka jingstad bad ka jingshemphang ban tip janai iaka jingmut jong ka jingsiewspah. To ai ba U Mynsiem Bakhuid Un plie iaki dohnud jong ngi khnang ba ngi lah ban long ka jingkyrkhu sha kiwei pat. Amen!

Ka jingrwai pynkut: “Christ our Lord, Your Yoke We will take.” Word by Ong Cheng bun, 2005 Music by Tsou’s traditional Melody, Taiwan. Arrangement by Avai Yatauyungana, 1973. Authorized used of copyright only for WDP Taiwan 2023.

